



# Arubaanse Courant

Aña 26

DIAMARS 7 JULI 1964

No. 5077.

## HUELGA NA MC.KEE: ORGANISA PA OCTA

ORANJESTAD, 7 Juli. - En coneccion cu e ultimatum cual fin di siman pasa a worde duna door di OCTA na e compania di contratista mericano Mc Kee, pa esaki reconoce OCTA como representante di e trahadornan di e empresa y pa delibera cu e directiva di OCTA tocante di mihor salario-nan etc. Ayera mainta pa siet'or a cuminsa un huelga na Mc. Kee.

De e 140 empleadonan 108 no a bai traha ayera mainta. Door di esaki tur trabao di e empresa a keda para.

E ultimo contacto entre e union y e oficina di abogado mr. Willemsen a tuma lugar diadomingo merdia cinc'or, ora cu señornan Eddie Maduro, Frans Lodewijk Maduro y Jose Yarzagaray a pidi un deliberacion cu abogado Juan B. Wix na e oficina menciona. Como condicion esaki a muestra cu pa cuminsa cu deliberacionan entre McKee y e union e ultimatum mester worde hala atras, loke ta haci e esfera di deliberacion naturalmente mas agradabel pa tur dos parti y cu e union lo prueba cu enberdad mayoría di e empleadonan di McKee ta worde representa door di OCTA. Pero e tres caballeronan a nenga di hala e ultimatum atras.

Ariba un pregunta di señor Wix na e tres caballeronan di OCTA si nan ta representa e organizacion aki den y pafor di ley, segun e articulo 14 di estatuto-nan di e union den cual ta scirbi masha claro cu presidente, secretario y tesorero tin di representa e union den y pafor di derechonan, a worde declara pa e caballeronan menciona, cu nan no ta representa e puestonan menciona, pero cu sin embargo nan tin e poder na nomber di bond pa actua. Como cu e halamento atras di e ultimatum segun e caballeronan ta inaceptabel pa nan, e reunion di dia-

domingo atardi no tabatin efecto, asina cu ayera mainta nan huelga a drenta na vigor.

**McKEE SERCA HUEZ**  
Ayera merdia un'or y mei e firma Mericano di contratista McKee, caminda ayera mainta ariba iniciativa di OCTA a cuminsa un huelga, a manda un caso aden cerca husticia na Aruba. Den e demanda McKee ta

**FATUM**

Pa tur bo aseguronan  
Tel. 1845.

### Resultado di examen Mulo

ORANJESTAD, 7 juli - Ayera en total 21 muchu homber y muchu muher a pasa examen di MULO-A. Di esakinan dos no a pasa. Esnan cu a pasa ta lo siguiente: Chrisje H.U. Comvalius Mathilda P. Jonatahas, Ewald A. Pinas, Ingrid S. Ringeling, Lillian H. Labadie, Ivonne M. Medema, Louise J. Dirksmaat, Yvonne M. Polak, Lloyd Raghu-nath, Charmaine J. Richardson, Roy H. Zlichem, Astrild H. Kong A Sam, Ellsabeth L. van Dongen, Rena S. Luckoo, Angellca A. Barry, Alvin A. Howell, Leon Ch. Bell, Hermanus P. Huisman, Janet L. Windfield.

## Lamar ta exige otro victima den weekend

ORANJESTAD, 7 juli. - Banda di pos'or diadomingo atardi a drenta un otro noticia alarmante cu un persona a hoga na Eagle Beach. Aki ta trata di Papin Wilson un conocido basebolero profesional bende na e momento tabata na Aruba cu algun luna di vacacion na Santo Domingo.

Segun informacion Papin Wilson tabata landando cu algun amigo na Eagle Beach y di repente ora cu e tabata na un distancia di mas o menos binti cinco metro for di costa el a saca su man na bulto y a grita pa yudanza. Na pro-por instancia su amigonan a kere ta wegá, pero ora cu nan no a

milre bin ariba mas, nan a sambuya cu un cuatro of cinco persona pero no a hanja nada.

Polis cu a worde alarma cu yudanza di un binti marliners a sambuya pero no a hanja nada tampoco. E conocido sambuyador y spearfisher Mario Bislick kende a worde busca aserca pa polis e ora a worde busca y banda di diez pa cinco e por a trece e morto ariba.

Papin Wilson tin binti un aña, su mama ya a muri basta tempo, y su tata na e momento ta na Santo Domingo. E restonan mortal a worde hiba San Pedro Hospital, probablemente Papin Wilson lo worde dera na Aruba.

trece adelanti, cu e huelga ta un hecho inhusto, pa motibo di cual ta worde pidi pa exili di OCTA pa manda e trahadornan di McKee nan trabao. E empresa di contratista alavez ta exili di duna OCTA un boet di 10.000 forin pa cada dia cu nan nenga di obedece e sentencia di huez. E derechonan di McKee ta worde defende pa e oficina di abogado Willemsen & Wix.

## BISANOS

E motibo pakiko mi ta haya "Arubaanse Courant" un diario asina bon, pasobra No tin courant pa compara cu né.

Srta. Helena Figaroa,  
Bakval 6, Noord.

TOPA CU BO

AMIGONAN DEN  
CHI-KOE-CHA  
Coffee-shop

### M.A.P. Brown 25 anja den servicio Douane

ORANJESTAD, 7 juli. - Nadouane ta cumpli awe su di binti cinco anja den servicio senjor M.A.P. Brown. E caballero aki na e momento ta hoofdcommies na douane.

**THE FILTER CIGARETTE  
WITH RICH TOBACCO  
FLAVOR**



For Your Satisfaction



E fotografo chikitu di prensa Aleman, Mickey Bohnacker no tabatin un chens ora cu e Beatlesnan a yega Frankfort riba nan viahe pa Londen. Afortunadamente un polis basta grandi a dune un man pa e saca su portret.

## Entrevista cu Castro den New York Times

Nueva York, -- UPI -- New York Times awe a publica un entrevista cu e prome ministro cubano, Fidel Castro, den cual e ultimo aki ta afirmá qu su Gobierno lo stop di yuda e revolucionarionan latino-americanos cu arma si Merca y su aliadonan di e continente hasi e mesun promesa pa no duna ayudo ne actividadnan subversiva contra di Cuba.

Castro ta agregá qu e no ta excluir e posibilidad pa negoshia internacionalmente pa segurá e cumplimiento di e compromiso doble, aunke e ta señalá qu, den su opinion personal, esey no ta necesario.

Durante di e entrevista Castro ta sugerí qu e momento oportuno

a yega, pa Cuba y Merca atendé nan problemanan pendiente entre tur e dos paisnan, afirmando qu e gobernantenan "awor ta muchu mas hechu y qu Merca a duna indicionan -- specialmente pa medio di e aliansa pa progreso -- di qu e ta dispuesto na aceptá cierto grado di cambio social den America Latina.

Den e materia di politica interna, segun entrevista, Dr. Castro a bisa qu Gobierno revolucionario cubano lo ser reemplasa pa un otro constitucional no despues di promé di januari di aña 1969 y qu el lo tuma un "constitucion socialista prome qu e di 10 aniversario di e revolucion y quizas tambe considerablemente antes."

# SERIE DI SOFTBALL A KEDA EMPATA CU TRIUNFO ARUBANO

(Di Nos Redactor Deportivo)

ORANJESTAD, 7 juli.- E segundo wega di softball masculino entre equiponan di Aruba y di Sto. Domingo a termina den un triunfo pa e novena local, cu asina a tuma un revancha pa e derrota di e anochi promer. E segundo aki tabata un wega interesante cubon fildeo, fuerte batazo y tambe mucho mas ordena. Den esun di diasabra tabata tin demasiado discusionnan cu akita algo di e wega.

Den e promer inning, e visitantenan ta tuma ventaha cruzando home un blaha.

Aruba ta empata den cierre di e segundo y luego ta tuma ventaha den e tercer inning ora cu nan ta anota cuatro carrera.

E cuatro carreranan a worde produci door di un fortísimo batazo di e arubano Paus Ruiz cu tres companjero na base. E batazo, a banja e hardinero robes por completo pa un grandslam cu mesora a pone Aruba ariba cu ventaha di cuatro carrera.

Un carrera mas pa Aruba den e

proximo inning ta pone e score te na 6-1. E dominicanonan tambe ta pone tres na base den e quinto inning. Hit di Guerreo pa center ta empulsa uno, luego dos mas ta bin home ora cu Riviera ta conecta hit den leftfield. E carrera number cuater di e inning ta bin ora cu Vallejo ta conecta largo fly di sacrificio d r centerfield.

E ventaha basta grandi cu Aruba tabata tin a bira te na apenas un carrera cu e rally dominicano ey. Den e mes inning sin embargo, Aruba ta anota un carrera mas.

E partido a caba cu score di 7 pa 5 den favor di Aruba, cu conecta 6 hits. Sto. Domingo tabata tin 9 hits. Segun e anotador oficial no tabata tin error combati.

Pitcherganador tabata Victor Albus, perdedor F. Vallejo.

Despues di e partido Milo Croes president di ASB a felicita ambos equipo pa nan triunfonan, mientras cu e president di ASU a gradici pa e cooperacion brinda door di hungadornan tanto local como estranhero y tambe door di e publico cu a asisit na e we-

ganan. Srta. Filomena Dijkhoff, candidata pa Reina di Deporte representando Aruba Softball Bond a entrega un trofeo na e capitan di e equipo dominicano.

E partido preliminar femenino entre Casa Halme y Karina a dura unicamente tres inning. Dabi na limite di tempo e partido meseter a worde para. Na emomento ey e score tabata 15 pa 4 den favor di Casa Halme.

## Pelicula pa mucha durante juli

ORANJESTAD, 7 juli.- Servicio di pelicula di teritorio Insular di Aruba e luna aki atrobe lo tin cuatro presentacion. E siete pelicularnan lo worde presenta dia 10 na speelplaats di St. Anna-school na Noord; despues dia 15 den Wesley Auditorium na San Nicolas y dia 30 y 31 den Teatro na alre liber na Oranjestad. Woody Woodpecker, e feria mundial di 1939, animalnan bringando cu otro y "Famous Kids" por worde mira den e programa aki.



Ultimo weekend a tuma lugar en coneccion cu e siman deportivo di A.S.U. encuentronan di softball entre un team di republica Dominicana y un seleccion di Aruba. Diasabra anochi e team di Sto. Domingo a gana Aruba, mientras cu dia Domingo atardi Aruba a tuma revancha y a gana e partido. Aki un di e hungadornan di Aruba ta haciendo un slidefantastico ariba home plate, mientras e catcher di Sto. Domingo ta trata di toke out, pero empire Tije A Lol ta musta claramente cu e ta safe.



Algo notable y menos agradable di e partidonan di softball entre Sto. Domingo y Aruba tabata e interrupcionnan continuamente pa cuestionnan chikito y di poco importancia cu tabata tuma lugar. Apesar cu diadomingo atardi esaki tabata menos cu diasabra anochi sin embargo e ultimo encuentro tambe tabatin su discusionnan chikito. Por ehemplo na cierto momento un bate di softball a hera causa cu empire Tije A Lol lo a termina e wega. Door cu un representante di Aruba a camna bai cu un bate for di e terreno di wega un di e dominicanonan no tabata di acuerdo cu esaki. Empire a interrumpi (Foto ariba) pa mira ta di kende e bate ta. Despues cu e bate a worde duna na e representante di Aruba e dominicano nan a col tur nan batenan y a ponenan serca esnan di Aruba. Ariba orden di empire cu a duna nan cinco minuut pa hala e batenan atrobe pa nan lugar un di e dominicanonan a dicidi di pone e batenan atrobe ariba nan tereno door di cual wega por a continua.

*Deliciosamente Refrescante*

## - DECIMO A.S.U. OLYMPIADA -

Awe, diamars 7 juli

8.00 p.m. BASKETBALL, damas entrada fl. 1.- na Aruba Juniors.

9.00 p.m. BASKETBALL, Aruba vs Pto. Rico (caballeros) entrada fl. 1.- na Aruba Juniors.

NOBO NOBO NOBO  
Nassaustraat 34  
Nos a caba di habri tela di kesi especialmente pa traha bisti pa blaha. Tambe tela for di Suiza, pa bisti di fiesta, tambe Linnen. Dacron nobo, Whipped-Cream, cu no ta machika. Katuna Drip-Dry, cu disenjos nobo. Y corda bon, serca nos semper bon tela na prijs mas barata!

## TA BENDE

1 HERO DI STRIKA CU CABAY  
1 MACHIN DI COSE "SINGER"  
1 SET DI STOEL DI SALA CU TAPIJT.  
1 LJSKAST  
1 STOOF DI GAS  
1 DINNER-SET (6 STOEL)  
1 T.V. "CONSOLE"  
1 CAMA DI 2 PERSONA DIMAHOK  
1 BOEKENKAST  
Acudi na: Archimedesstraat 5. (Companashi).

**5 AERA**  
advantages

- SUPERB STYLING
- BRILLIANT PICTURE
- STURDY CONSTRUCTION
- ALL-CLIMATE PROOF
- SERVICE GUARANTEED

**CASA ELECTRONICA**  
Bernhardstr. 99  
Tel: 5371

## Concurso reina di deporte

MAYORIA DI VOTONAN TE AINDA.

TA BAI PA OLGA DE KORT

ORANJESTAD, 7 juli.- E preferencia di e lectornan di Arubaanse Courant pa e Reina di Deporte di Aruba 1964 te ainda ta bai pa Olga De Kort, candidata di ABBA na di dos, tres y cuatro lugar ta sigui

Yolanda Maldonado, candidata di Basketball Bond, Nora Angela di Aruba Boxing Club y Roosje van der Linden di Volley Stars.

Nos socre te ayera atardi cinco ora ta como lo siguiente:

Olga de Kort	38	Yolanda Maldonado	19
Nora Angela	16	Roosje van der Linden	13
Myrna Schwengle	12	Filomena Dijkhoff	7
Maria Tromp	6	Millicent Maxwell	4
Ivonne Robles de M.	4	Edith Martinus	4
Leoncita Alberts	2	Frieda Wiersma	1
Clarice D'Abreu	1		



## Noticianan di polis

ORANJESTAD, 7 juli.- Na haaf den un di e loods grandinana Oranjestad a tuma lugar diasabra un or y mei un accidente di trafico den cual tabata envolvi H.H. di 34 anja. Su pia drechi di un motor of otro a resulta baodi espatbord di un di e trucknan di hisa carga. El a worde poni bao di tratamiento di dokter.

Diadomingo ultimo R.J.K. di binti tres anja a hanja cu ta necesario pa duna su tata di 54 anja un sota. E yui homber kende tabata masha obstina a worde hiba warda caminda el a hanja un cuarto gratis pa e calma un poco.

Den un bar na San Nicolas cierto persona of personanan adrenta y a bai cu un suma di treinta florin.

Diasabra anochi diez or y mei asistencia di polis a worde pidi pa un tal Z. den un refresqueria na Oranjestad. Parse cu Z. apidi e barkeeper un ham and egg pero di ripiente a dal esaki un nioketa ariba su wowo robbez causando un corta ariba y un parti blausa. El a worde avisa pa duna e cuenta na recherche.

Na haltura di Moko a tuma dia domingo un choke entre auto A-5543 maneha pa J.L. y cinco carne. Tres di e carnenan a muri mientras e otro dos a worde herida. E asunto a keda reglaentre e chauffeur y e donjo di e carnenan.

Diadomingo poco prome cu tres or di atardi e conocido S.G. a presenta na warda di polis na Oranjestad y a declara cu e dama B. a dale. G. kende tabata levemente bao di influencia di alcohol tabatin un herida chikito na su cabez.

### Basket internacional pa awe nochi

(Di nos redactor deportivo)  
ORANJESTAD, 7 juli - Ariba cancha di Aruba Jrs ta worde hunga awe nochi dos partido di basketball como parti di e decimo Olimpiada ASU. E promer wegá lo ta uno femenino, mientras cu e segundo lo bai entre un equipo for di Pto. Rico y un seleccion local masculino. Pto. Rico ta conoci pa ta poseer un basketball di nivel hopi halto y asina pues por worde spera actuacion di un fuerte equipo awe nochi. Cu TCA e delegacion aki di Pto. Rico ta worde spera awe.

Diadomingo marduga a tuma lugar un choke na e cruzada di Rondweg y Dadelstraat. E autonan A-6044 y A-3703 maneha respectivamente pa A.B. y N.S. a dal ariba otro causando un danjo total di ocho cien florin.

Diadomingo atardi diez pa cinco tabatin un choke na haltura di Palm Beach caminda e auto A-6561 a dal e auto A-902 y despues a sigui corre. E autonan tabata worde maneha respectivamente pa D.M. y A.P. Poco despues di e choke D.M. kende a sigui corre a worde deteni na Piedra Plat y tabata bao di influencia di alcohol y encapaz pa maneha auto. E danjo na e auto A-902 ta cuatro cien florin y na A-6561 diez florin.

Diadomingo e caballero J.A.S. di 32 anja a dal e caballero E.G. di 29 anja cu un botter ariba su cachete casuando tres fatura. Cu e botter cu a kibra S. a corta G. e ora ariba su pecho. E victima a worde transporta pa San Pedro Hospital pa tratamiento mientras cu e malhechor a worde hiba warda di polis caminda el a worde carcela mientras cu e caso ta worde investiga.

### Robby Janse ns number uno den pingpong

(Di nos redactor deportivo)  
ORANJESTAD, 7 Juli - E weganan di pingpong anuncia ariba e programa di olimpiada ASU pa diasabra anochi no a tuma lugar debi na cu na momento cu e organisadornan y hungadornan a yega na Club Estrella y a keda warda un bon rato e club tabata cerra y pues nan no por a drenta. E encuentronan di dia domingo mainta den St. Jans Knapen Club na San Nicolas si a tuma lugar. A worde hunga unicamente entre hungadornan di clase B, mas o menos 20 hungadornan a participa den un torneo eliminatorio for di cual a keda finalmente selecta tres hungadornan cu a enfrenta otro den un bond pa dicidi e campeon y subcampeon. A resulta ganador e hungador Robby Jansens kende ta pertenece na e team di club Bonaire. Tambe den e segundo puesto a clasifica y un hungador di e club ey esta e Martha. Despues di e partidonan e trofeonan aworde entrega door di e president di Aruba Table Tennis Association Pedro Figaroa.



Despues di e wegá a tuma lugar ariba e tribuna di honor entregamento di e trofeo na e captain di e team dominicana. E foto ta muestra nos e momento cu e candidata di Aruba Softball Association, Srta. Filomena Dijkhoff ta entregando e trofeo na e captain di e team di softball di Republica Dominicana.

## ESTRANGULADOR DI PARIS TA CONFESA SU CRIMEN

Paris, -- UPI -- Un homber chikitu qu ta yama su mes "estrangulador" a declara awe mainta qu el a mata e mucha Jean Luc Taron pasobra e tabatin duele di e mucha qu tabatin un infancia desgraciado.

Lucien Leger, enfermero di 27 aña di edad qu ta traha na un hospital psiquitrico a tene polisnan for di su pista durante 40 dia, durante cual tempu el a manda mitar dozijn di informenan y cartanan falsu.

Algun investigador policia te ainda ta duda -- no obstante su confesion qu Leger ta e asesino berdadero di Jean Luc, pero mayoria di e polisnan qu a participa na investigacion di asesinato di e mucha ta calcula qu Leger en realidad a mata e mucha, pero qu e no a comete tur e otro crimenan qu el a confesa y di cualnan el a bisa qu e ta e autor.

Varios di e supuesto victimanan no por a ser identifica y ta ser calcula qu e otro crimenan qu el a confesa ta invencionnan di un elemento qu ta victima di un sed neurotica pa publicidad.

Ayera nochi Leger a presta declaracion den oficina di polisnan y a declara qu el a haña e

mucha, quende tabata alehando di su cas, despues di su mayorman a caba di rabia cune. El a sigui cana tras di e mucha ora esaki a drenta den trein subteraneo y despues el a alcansale, el a cuminsa un conversacion cuné. El a invita Jean Luc pa bai cine pero cinenan tabata serrá na e momento ei.

Despues el a dicidi di bai keiru cu e mucha den su auto. Ora cu nan a yega den cercania di e bosque Verrieres, e mucha a bisele qu e mester baha un ratu. Despues di esei Jean a puntrele si ta berdad qu tin lobo den e bosque y na e momento ei, Leger segun e ta bisa - a sinti pena pa e mucha.

El a coge na su garganta y a hinka su cabes den un buracu cu awa, hogando e mucha.

Den su declaracion Leger a papia hopi mentira. El a bisa entre otro qu su tata ta un oficial haltu di ehército y cu e ta corre den un auto masha grandi. Ademas el a declara qu el a mata un prostituta y un banquero, pero nada

di esaki no ta berdad, di acuerdo cu e investigacionnan policial.

Polisnan a logra captura e asesino pa medio di su pasion pa e cabesnan grandi qu tabata sali den corant, refiriendo na e crimen. Leger na un dado momento a tira sanger den su auto y a bai un warda di polis pa denuncia qu e "estrangulador" a horta su auto y despues a yamele na telefon pa bisele qu el a bai laga e auto na un caminda qu el a mencioná. Pero Leger no a ripara qu su sapatunan tambe tabata manchá cu sanger, qu en realidad el a saca for di e hospital caminda e tabata traha. Polisnan a haña sospecho ora qu nan a puntrele con e ladron por tabata sabi qu e auto tabata di dje y con, ademias, e supuesto asesino por tabata sabi su number di telefon na su hotel.

Ora nan a detene Leger, polisnan a bai su kamber cune den un hotel modesto y aya nan a haña un coleccion formal di corant qu tabata relata di e crimen ademas algun carta qu tabata mescos qu esnan qu el a manda pa autoridadnan.

Finalmente Leger a confesa: "Masha bon, tabata amigu a mata Jean Luc". Ora cu Polisnan a representante na un grupo di fotografonan di prensa, el a a hari y a hisa su dedenan, den señal di "exitu".

### Molester di sangura ta tormenta Surnam

PARAMARIBO, 7 juli.- Despues di un periodo largu di secura, cu a dura algun luna y a causa un enorme perdida economico na Surnam, e pais ta worde azota awor pa un otro plaga. Ehército nan di sangura ta haci bida insoportable den ciudad - pero principalmente pa esnan cu ta biba den distritonan. Na gran cantidad e insectonan ta ataca hende y bestia.

Den ciudad por protega contra e animalnan door di musquetero y cu wayanan fini dilanti di bentana. Den distritonan esey ta mas difícil, pasobra eynan e sanguranan no ta ataca solamente di anochi, pero hasta di dia nan ta sali en busca di nan victimanan.

E trahadornan den campota traha na tene e bestianan for di nan curpa door di sende candelanan cu ta causa hopi humia.

E trahadornan di Bruynzeel, cu ta traha den un tempo masha rapido pa trata na salba mas tantu palu posibel, ta hunta nan curpa completamente cu "citronella" un pasta contra sangura. Pero pa hopi campesino ta imposibel pa hunta nan bacanan cu e remedio ey y diferente bestia a muri

a consecuencia di evenenamentu di sangura.

Hendenan tambe ta hanja e evenenamentu aqui. Un homber, cu a lubida di sera glasnan di auto, su siguiente dia mester a worde hospitalisa cu keintura altu. Su cara y su enkelnan tabata hinchá. Ora cu e auto tabata quetu e sanguranan a drenta a den, loque a causa e homber ora cu su auto a cuminsa corre.

### OTRO SINDICATO FORMA BAO OCTA

ORANJESTAD, 7 Juli.- Diadomingo ultimo a tuma lugar na Centro Obrero den Kruisweg na Oranjestad, fundamento di un sindicato, esta un Union pa obreronan cu no tin trabao permanente cu gobierno (Losse Arbeiders) como directiva pa e union aki a keda nombra e siguiente personanan. Como presidente Senjor Julio Maduro, (Ex-Deputado), como secretario Senjor Julio Tromp y como tesorero Senjor Ismael Tromp. E union aki tambe ta cai bao di e sindicato mayor na Aruba esta O.C.T.A. (Union Cristian di Trahadornan Arubano).



Diabierna ultimo a yega Aruba despues di 10 anja di estudio na Hulanda sr. Cerill Zaandam, yui homber di senjor A. Zaandam di Weststraat. Cerill Zaandam a caba su estudio pa dokter na Universidad di Utrecht. Su senjora tambe ultimamente a caba su estudio pa dokter. Dr. Zaandam y su senjora lo estableci nan mes na San Nicolas, caminda e lo tuma e practica di dr. D.R. de la Fuente. Ariba e foto nos ta mira para patras Mama y Tata di Cerill Zaandam y sinta adilanti Dr. Zaandam y su esposa.



# UN CUARTO MILION VENEZOLANO TA BIBA DI PISCAMENTO

NACIONNAN UNI - UPI - Aña pasá Ecuador a pesca 13,100 toneladas métrico di atun, loque ta representa un aumento di 1700 compará cu 1962, segun cifranan qua ser compilá e comision di agricultura alimentacion di Naciones Uni.

E boletín di cifra riba pesca di FAO ta revela ademá qu piscamentu di atun a disminuí na Venezuela cu 4100 tonelada na 1962, contra 4600 dos aña pasá.

Chile, na 1963, a aumenta su pesca di atun compará cu eña anterior.

E total qu a ser piscá pa Chile na 1963 a yega na 2500 tonelada contra 2200 na 1962. Casi tur e piscanán qu nan a pesca na Chile tabata buni.

E total di 1963 pa Ecuador, tabata menos qu mitar di loquenana coe den e aña sin precedente di 1961, ora nan a pesca e total di 30,000 tonelada y tambe e cifra di aña pasá tabata menos qu esun di añanan 1960 y 1959, qu tabata respectivamente 19,100 y 14,800 tonelada.

## Dia di Independencia celebra na Venezuela

CARACAS, 7 juli.- En presencia di president Raul Leoni tabatin ceremonianan pa conmemora e hecho, cu 153 aña pasa Venezuela a bira independiente. E jefe di estado prome a pone un krans na graf di Simon Bolívar, "Padre de la patria" na Venezuela.

Despues el a bai edificio parlamentario, unda den presencia di tur representanten di pueblo y gobierno completo, y tambe representanten di ehercito, reiligio n y cuerpo diplomático el a habri un cahita den cual e texto original di e acta di independencia ta warda. E acta despues a worde lesa completamente.

Den un discurso na e dos camaranan di e parlamento dr. Leoni a menciona e agresion na cual Venezuela ta worde somete, sin cu el a bisa door di quende pais ta worde menasa. Por lo demas e tabata contentu di por a menciona e recepcion favorable cu e proposicion Venezolana a hanja di parti di e estadonan mericano en coneccion cu e conflicto entre Cuba y Venezuela, pa tuma medidanan adecua contra gobierno cubano pa protega democracia.

Na Venezuela nan a pesca 3100 toneladas di atun y mil tonelada di e sorto qu nan ta yama Cabana Negra.

E pais qu ta pesca mas atun qu tur otro na mundu ta Japon, qu na 1962 a alcanza un total di 641,200 tonelada.

Mientras tanto un especialista pesquero di FAO, John Simpson, quende a pasa varios aña na Venezuela dunando gobierno conseho den algun asunto di investigacion pesquera y qu a caba di bishita Venezuela recientemente, a declara qu nan ta progresando grandemente na Venezuela den e campo aki.

FAO a informa, qu tumando na cuenta qu "un cuarto milion di

venezolano ta bibata di piscamento -- porcentahe considerable si tuma na cuenta qu e poblacion total di e pais ta siete milion y mei -- gobierno kier duna piscamentu un impulso fuerte."

Recientemente Simpson tabata na Venezuela atrobe en relacion cu e plan di FAO pa establece un centro di investigacion y fomento pesquero, mescos qu tinna Peru, Ecuador y Chile.

## Venezuela na lugar di Pto.Rico den baseball

(Di nos redactor deportivo)  
Di e comite ASU O'implada nos a ricibi informacion cu na lugar di un baseball team for di Pto. Rico lo bin hunga uno for di Venezuela. E president di e liga di Pto. Rico a manda bisa cu cable cu nan tin inconveniencia y no por bin Aruba manera nan a priminti. Mesora contact a worde busca cu Venezuela y di aya awor a yega confirmacion cu lo bin hunga e novena fuerte di M.O.P. equipo cu na aña 1963 a bira campeon di Caracas E equipo aki ta conoci como uno di esunian di mas fuerte di Venezuela. E manager di e team ta Ruben Milan kende den shete ocasion a defende Venezuela su nomber internacionalmente. Otro hungadornan ta Jose Flores, Pedro Villaroel pitcher Silvio Flores pitcher Rigoberto Pacheco, Arturo Cavanal segundo base Hugo Vargas tercera base Emilio Vargas catcher Jose Reyes Navas pitcher Jesus Guzman pitcher Rafael Borgas centerfielder Luis Baena tercera base Feo Alvarez Utiliy, Victor Jose Lugo outfielder Elias Guadarrama centerfielder, Juan Mendoza pitcher Jose Laya outfielder.

## Sto.Domingo no a presenta pa hisamento di peso

(Di nos redactor deportivo)  
ORANJESTAD? 7 Juli. En vano a veld ariba e delegacion di hisadornan di peso for di St. Domingo. E anochi ey lo tabata tin hisamento di peso entre hisadornan Dominican cu a confirma cu nan lo bini competi na Aruba y hisadornan di Aruba. Sin manda ningun clase di noticia e dominicanonan a keda sin presenta. Pa e motibo aki e punto di programa di ASU olimpiada no a tuma lugar. Esaki ta e segundo delegacion deportivo for di St. Domingo cu pa e olimpiada a keda sin presenta. E otro tabata esun di boxeo amateur cu mester a actua den e programa di inauguracion. Despues esakinan a manda telegram avisando qu nan a perde avion.

## Jubilario di trinta anja serca Lago

SAN NICOLAS, 7 juli.- Senor Nicolaas P.Schindeler kende na anja 1933 a cuminsa servicio na Lago como operator na inspection laboratory awe ta recorda e echo cu el a cumpli un total di trinta anja na Lago. Na anja 1935 el a pasa pa instrument department y a progresa eynan te cu sub-foreman segunda clase. Despues di a kita pa algun anja for di e compania el a bolbe drenta

servicio den e mes un departamento cu el a sali y a sigui progresa. Na anja 1944 el a worde traslada pa engineering department como engineer 8. For di ey el a sigui progresa te cu na april 20 ultimo el a worde nombra division superintendent engineering y desde promer di mei ultimo e ta ariba un base special di trabao. Senor Schindeler tin cincuenta y dos anja di edad.



Camara di delegadonan di Merca a aproba e ley pa derechonan civil. President Johnson a ratifica e ley durante un ceremonia na Casa Blanca cu su firma. Riba e portret aki e president ta duna e lider di polo Ds. Martin Luther King man, mientras cu e ta entrega e pen cu el a firma cune na e lider.

## TRANSMISION DEL JUEGO DE ESTRELLAS HOY!

**12.05 P. M.**  
Una presentación de la Cabalgata Deportiva Gillette a través de  
**RADIO KELKBOOM**

un desayuno sabroso cla den un frega di wowo.. claro cu yudanza di REDDY!

## MUCHA MUHER PA CORTAMENTU DILANTI HUES NA NEW YORK

Nueva York -(UPI)--Juez Thomas Fitzpatrick awe a dicidi qu dia 14 di Juli próximo lo tin e juicio contra di señorita Arlene Fava, qu ta biba na Long Island, y kende nan ta acusá di a corta e nabegante Harold Modell, di 20 aña di edad, qu tabata biba banda di Rego Park.

Arlene durante e ultimo lunanan aki tabata camna cu un nabaja, pa protegá su mes contra di ataquenan manera esun qu recientemente a costa bida di un mucha muher na Kew Gardens. Diabierne anochi Arlene tabata bai cas, ora qu un persona a cohele tene na su man y a intenta na hasi maniobranan menos nechi cu ne. E mucha muher a logra na saca su nabaja y el a defendé su mes, heridando e

## Arends y Farro a bolbe triunfa

(Di Nos Redactor Deportivo)  
ORANJESTAD, 7 juli.- Den Commandeursbaal Club diadomingo e segundo parti di e weganan di biljar a tuma lugar. Riptiendo nan hazanjanan di dialuebs pasa, tanto Francisco Arends como Inocencio Farro obtiene triunfonan. E biha aki Arends a derrota Francisco Croes cu anotacion di 150 pa 107. Den e partido aki e tacazo di mas halto tabata di Croes cu 26 carambola. Arends tabata tin 13 carambola den su mihor tacazo.

E segundo match tabata entre Vicente Henriquez y Inocencio Farro. Cu relativa facilidad Farro a obtene triunfo di 150 pa 48. Cu 38 carambola Farro tabata tin e mihor tacazo di e dia. Henriquez su tacazo di mas halto tabata 10.

nabegante Modell, kende a bai cas y a bisa nan qu dos "homber grandi" a atakele. Su mayor nan a hibeke hokpital na unda polisnan a interrogele y despues a arrestá e señorita Del Fava.

## Floret femenina gana door di Henny Hilgers

(Di Nos Redactor Deportivo)  
ORANJESTAD, 7 juli.- E tercer y ultimo parti di e encuentronan di esgrima den e ASU Olimpiado diadomingo atardi den Eagle Cub. Pa e ocasion aki z enfrentra otro e miembro nan femenino di e club di esgrima Beau Geste. Apenas cuatro a presenta slumbargo loke pa e organisadornan tabata un desapunto. Cu cinco triunfo a bira ganadora di e torneo sra. Henny Hilgers. Number dos a keda sra. Teresita Suriel, cu cuatro victoria, mientras cu number tres a bira sra. Volmer cu dos triunfo. Srta. Johanna Roos cu un triunfo a keda den ultimo lugar.

Door di J.Berkhout, president di Beau Geste e medayanan pa e tres promernan a worde entrega despues di e encuentronan.

## Yudanza pa Pakistan

RAWALPADINI, 7 juli.- Den ultimo fin di siman shete avion mericano di transport a yegaden e capital di Pakistan.

Nan lo traslada mas di un milion kilo di cuminda y otro provisionnan pa e territorionan di Gilgita, cu por worde alcanza via camindanan terrestre solamente algun luna di verano.

Den e territorio ey tin un scarcity grandi di cuminda, contra cual mester tuma medida, prome cu temporada cambia y tempubira sumamente difícil pa avionnan pasa den e territorio.



# FLOYD PATTERSON A GANA EDDIE MACHEN

Estocolmo, -- UPI -- Floyd Patterson ayera nochí pa decision a derrota su compatriota norteamericano Eddie Machen den un pelea di diesdos round cua worde celebra na e ciudad aki, cu tabata di eliminacion pa etitulo di peso completo. E pelea a worde realisa den estadio Raasunda. Machen quende a pisa 90,376 kilo y Patterson cu a pone e balanza baha na 87,655 a usa guantenan di ocho ons pa e pelea. Tanto pa Patterson como pa Machen tabatin gran aliento pa e concurrencia, cu a inclui cu e cantante Fran Sinatra y excampeon mundial di peso pesado Ingemar Johanson dene 40,000 fanaticonan cu ta presente.

Nan a laga un total di mas o menos 300,000 dollar na entrada.

Den e promer round Patterson ta muestra mas rapidez cu su adversario, realizando varios ataque prome cu Machen tabata por a reacciona. Meimei di e round e cambio tabata violento, pero Floyd a hiba e mihor parti. Na final Machen a recupera. Patterson despues mester a soporta parti di un castigo cu Machen a intenta di propinele meimei di e segundo round, ora cu el a alcanza Patterson cu algun bon golpi di cross.

Den e tercer round, Patterson ta bolbe cuminsa ataca y Machen mester a soporta un veloz gancho izquierdo sigli pa un rapido derecho cu a ponele dranta den clinch, mientras Patterson tabata conecta golpinan den su curpa.

Otro ataque similar di Patterson a worde registra momento despues, cu e resultado di cu Machen su curpa a keda habri pa permiti e pasashi di golpinan fuerte di izquierda y derecho. Floyd facilmente a gana e round aki.

Floyd un biaha mas den cuarto round ta bai den ataque y ta obtene su obhetivo, a pesar di cu Machen a alcansele cu un gancho izquierdo den su cachete.

Machen a trata di contra ataca e golpinan di Floyd, quende facilmente tabata esquivá e golpinan te cu na final di e round Floyd ta worde alcanza pa tres golpi completo den su cara.

Aunke Machen tabata kler a mantene su ofensivo den quinto round, Floyd tabata wantele leew cu jabnan na su cabes. For di e momento aki Floyd a cuminsa usa

rapidez pa saca e slanan di Machen.

Den septimo round e dos boxdanan ta muestra algu cansá, pero rapidamente nan ta lubida esaki y ta cuminsa cambia golpinan fuerte den centro di ring.

Floyd ta cuminsa su ataque cu un izquierda y ta sigi cu un derecho. Sinembargo Machen parse tabata reacciona mas rapido den su cambio di golpinan.

Den e roundnan final Patterson ta impone su superioridad, y incluso Machen ta cai den decimo round pero referee Teddy J. Williams no ta conta.

Mientras Machen tabata trata di recupera, Patterson tabata sigi su ataque.

Den di diesun round Machen ta logra propina Patterson un bon izquierdazo ademas di un serie di golpinan combina, pero algun seconde despues e ta worde hiba den cabuya caminda e ta slip sin cu tabatin cuenta aki tampoco. Ora cu e di diesdos round a cuminsa, despues di a termina e di diesun cu violento cambio di golpi, Machen tabata sangra profusamente.

Despues cu round a zona pa termina e di diesun round Machen a continua e pelea y mester a worde hiba den su skina. Publico a grite y parse di tabata ke su descalificacion.

Despues el a mira cu e no por a gana pa decision, el a ataca cu masha furia den e ultimo round y a alcanza Floyd cu algun derecho.

Referee a duna Patterson ganador cu score di 59-49.

## Manifestacion na Atenas

Atenas, -- UPI -- Mas o menos 300 manifestante awe a tene un demostracion dilanti di e edificio di Capitolio Nacional. Por lo menos 9 persona a resulta herida, prome cu orden a wordu restablecé.

Pollisan a arresta 32 manifestante, quendenan ta miembronan di e partido ERE, di oposicion, qu un tempu tabata ser encabesá pa e ex-prome ministro Constantine Caramanlis.

E multitud a participa un ratu prome na un reunion politico. Despues qu esaki a caba, nan a camna bai e Capitolio y a exigí gritando pe pais ser duna na Caramanlis bek. Caramanlis aña pasá a bai biba den exterior aña



Aki ta parse manera cu Tsjombe kier tira poco moketa cu e reporterero Belgo Rene Thiery pero en realidad e ex-president di Katanga cu a worde nombra como formador di e gobierno nobo na Congo, solamente ta gesticula durante su combersacion cu e reporterero.

pasá despues di a perde poder. Panayotis Canellopoulos, lider di e partido ERE, a responsabilisá e ambiente actual qu a ser creá pa gobierno pa desorden.

## PRAVDA RIBA TIRAMENTU NA CUBA

Moscú, -- (UPI) -- E corant Pravda, organo oficial di Partido Comunista, ta bisa cu e tiranan cu a ser hasi for di e base naval norteamericano Guantanamo, na Cuba, no ta hustifica. Den un articulo cu a ser firma pa "observador", cu generalmente kier meen "opinion autorisa," e corant ta bisa cu e "ataquen criminal di e soldanan di Guantanamo solamente por hinca mundu den complicacionnan serio."

E corant ta agregá: No tin, ni tampoco por tin ningun hustificacion pa tal tiroto, mientras qu guardianan cubano no a contesta e provocacion. Pravda ta agregá qu e explicacionnan norteamericanas "ridiculo" y qu si e militarnan di Guantanamo a actua na un manera

arbitraria, anto un palabra só di Washington por tabata basta pa stop e accionnan vulgar aki."

## EX NAZI A HUY

Colonía, Alemania - UPI - Autoridadnan di Colonía a pidi ayuda di autoridadnan policial di otro paisnan di Europa pa localisa un ex oficial di Gestapo qu, aparentemente, a huy di Alemania cu ayudo di varios complice.

Ta trata di Kurt Wiese, homber do 50 aña di edad, quende ta ser acusa di a mata gran numero di muchanan polaco den un campo di concentracion qu e alemanan Nazi tabatin na Polonia.

Wiese, quende su huicio mester a cuminsa denter di algun dia, tabata liber bao di fianza di 4000 marco.

Pollisan ta calcula qu Wiese a bandona e pais cu ayudo di amiguan, pasobra personalmente e no tin placa.

## BENFICA A GANA PORTO

Lisboa--UPI-- Benfica di Lisboa ayera tardi a derrota Porto F.C. cu score di seis gol contra dos den estadio Nacional, pa gana e trofeo di 1962 di Liga di Futbol di Portugal.

Na final di e prome tempu, Benfica tabatin ventaha di tres pa uno. E golnan di Benfica a worde anota pa Jose Augusto (dos), Eusebio Simoes, Serafim y Torres y pa Porto a marca Pinto y Carlos Baptista.

## CAPITAN DI TANKER DETENE

Vigo (Spaña--Fuentenanbon na altura a bisa ayera, qu autoridadnan naval a arrestá capitan di e barcu di carga Bonifaz, qu Diabierne ultimo a sink den Atlantico durante di cual 25 persona a perde nan bida.

E barcu di 12,000 ton, a sink despues di a pega candela y dal contra e barcu frances Fabiola, di 32,000 ton. E funcionarionan a bisa qu, e 56 personanan qu tabatá bordo di Bonifaz, cinco a muri y 20 a desaparecé, mien-

tras qu nan ta kere qu nan ta morto. Ademas 3ldi e personanan a ser rescata.

E fuentenan a bisa qu e capitan Jose Mivuel Amezaga a ser arrestá acusá di irregularidadnan qu a tuma lugar den presencia, a bordo, di esposanan di seis nabegante.

Funcionarionan a bisa qu nan no ta permiti presencia di hende muher na bordo di barcunan di carga y cu algun di e muhernan tabata entre e victimanan di e desastre.

## Surnam kier traha casnan pa pueblo

PARAMARIBO, 7 juli. -- Segun ta worde informa na Paramaribo un grupo di industrialistanan Ulandes lo bishita Surnam na fin di juli pa hiba deliberacionnan tocante construcionnan di casnan di pueblo.

Segun e corant "Ware Tijd" ta participa, ta e intencion cu e industrialistanan aqui forma un combinacion cu lo financia construcion di mas o menos cinco mil cas.

E casnan lo worde construi pa un parti di piedra y e otro parti di palu.

## General Rikhye na Hulanda

SCHIPHOL, 7 juli. -- General Rikhye, consehero militar di secretario general Oe Thant di Naciones Uni, a yega Schiphol for di Londen. E intencion di mi bishita ta pa hanja informacionnan tocante e contingente di 300 marinier, cu Ulanda a ofrece anja pasa inmediatamente despues di un yamada di e ehército di paz, asina e general a bisa. Ademas e lo consulta cu e ministerio di exterior tocante disposicion riba algun oficial Ulandes di staf.

## Venta di banana na Surnam

PARAMARIBO, 7 juli. -- Segun e corant "Suriname" ta anuncia e conseho di gobiernu na e pais ey porfin a tuma un decision den e asunto di banana.

Manera ta conoc gobiernu Surnam anteriormente tabata pa drenta un convenio cu e compania Van Hoboken di Rotterdam, pa entrega di banana.

Despues e minister Surnamenjo di agricultura, pesca y ganado a firma un acuerdo cu e compania mericana "United Fruit".



Cu e prome avion di Garoeda Indonesian Airways algun cien ambonos a sali for di Hulanda pa Djakarta. Aki e despedida ta cai poco duro pa un viejita Ambones.



# Wega di All Stars

New York, --Fanaticonan di beisbol esaki ya ta un tradicion pa sigi e emocionnan y incidentianan di e clasico anual "All Stars Game" cu Cabalgata Gillette a sa di trece for di e lugar di e evento, a traves di su no menos tradicional transmisionnan.

Mañan diamars dia 7 di juli e flamante y ultra moderno estadio Shea Stadium di e Metsnan di New York cu capacidad pa mas di 55 mil persona, lo ta e escenario pa e transmision di e trigesimo quinto partido di interliga. Un biaha mas e representacion Latinoamericana ta presenta un grupo di estrellanan, cu participacion di Orlando "Peruchin" Cepeda, Roberto Clemente, y e nobato Tony Oliva.

Cepeda y Clemente lo participa den Liga Nacional mientras Oliva lo ta di lineup den Liga Americana.

Cardenas e brillante shortstop di Cincinnati a worde supera pa solamente seis punto pa cuminsa den shortstop, pa e veterano Dick Groat di San Louis, cu na moda di papia ta e unico di e seleccion cu no ta aparece riba lista di e dies mihor bateadornan di su liga.

E astronon portorriqueño, Cepeda primera base di San Francisco

Giants y Clemente fielder derecho di Cardenales di San Louis en cambio a sobrepasa pa un amplio margen den e votacion, pa e hombernan cu precisamente un año pasa a lunga den e wega na Cleveland. Bill White y Hank Aaron di Milwaukee Braves.

Indiscutiblemente e diferencia ta basá riba e cifranan di bateo. Te na momento cu e hungadornan a worde selecciona Cepeda tabatin un promedio di 304 y Clemente 348 solamente tres punto di e lider Billy Williams di Chicago Cubs.

Te na e momentonan aki Williams tabata un di e mas grandi revelacionnan di e presente temporada. Si e sigi asina lo nota nada extraño si nan escohele como nobato di año di Liga Nacional.

Pero no menos sorprendente ta e extraordinario labor cu e nobato Tony Oliva ta realisando cu Minnesota Twins. Comobateador efectivo ei a demostra, por lo menos cu melmei-temporada e ta un bateador di hopi poder. Y si suerte cai di su banda, e posibilidadnan lo ta masha favorable, pa worde escohele como nobato di año di Liga Americana.

Pa su magnifico labor cu e ta des- empenhando te na e momentonan aki a dunele e oportunidad di participa den su prome wega di estrella, cubriendo rightfield handa di Mickey Mantle y su compañero di equipo Harmon Killebrew.

Consagra ya entre e grandinan di tur tempu y den caminda di excelentissimo campaña den su especialidad, e fabuloso mara- cucho Luis Aparicio, e estafador mas extraordinario y consistente den historia di beisbol moderno

## Forma nobo pa yudanza di N.U.

PARIS, 7 juli.- E organizacion pa cooperacion economica y desarrollo, na cual 18 pais Europeo, Merca, Canada y Japon ta asocia, a cuminsa cu un forma nobo di yudanza tecnico pa desarrollo.

Den e sistema nobo nantaorganisa conferencianan viajero di gruponan di experto papaisnan di desarrollo, pa durante di eursionan di algun siman trece ambientean- nan local na altura di e rechen desarrollonan den pensamentu di economia of pa instruccion adicional.

E prome conferencia a cuminsa na Jacende y ta destina pa trinta funcionarianan for di Kameroun. E anja aki e viajanan ta queda limita na Afrika, pero ta e intencion pa otro anja nan manda gruponan pa paisnan Asiatico y Sur Americano.

lo comparti su puesto den short-stop cu e habridor, Gene Fregosi di e Serafinan di Los Angeles. Si e oportunidad worde presenta lo ta masha sigur cu e simpatico shortstop venezolano, e homber record den robamentu di base lo hasi uso su tremendo habilidad cu masha poco tabata tin fortuna di posee den analesnan di liga- Pa e momento aki e trigesimo quinto encuentro den e seleccionnan cu indiscutiblemente tabal un millon, a lanta un enorme interes den e aficion di tur parti.

## MAMA Y TATA TA MURI DEN ACCIDENTE

Nueva York, -- UPI -- Un mama cu un gran cantidad di yiunan, quende ademas tabata na estado, y su esposo, a muri ayera den un accidente di trafico ora cu e autoden cual nan tabata biaha a dal contra un otro vehiculo. Seis otro persona a resulta herida den e accidente, di cual tres di gravedad.

E siniestro a laga 12 yiu, quendenan edad ta varia di 8 luna pa 17 año di edad, como huerfano di tata y mama.

E accidente a tuma lugar riba un caminda di Long Island, ora cu e mayornan di e 12 muchanan tabata regresando cas despues di a traha den un feria di caridad di e Cuerpo di Bomberonan, den e poblacion Ronkonkomo.

## Tsjombe formador di gobierno na Congo

LEOPOLDSTAD, 7 juli.- Ex-president Tsjombe di Katanga a hancha orden di president Kasavoeboe pa forma un gobierno di traspaso pa Kongo.

Si Tjombe logra forma un gabinete e lo bira e di cuater premier di Kongo. Ei a declara na un mitin cu prensa cu den 24 ora



Den un dierentuin na Rhenen, Alemania, un leona a duna luz na siete jui. Aki nos ta mira e record di nacimiento.

e por tin un gobierno cla. E gobierno di traspaso lo queda seis te nueve luna na poder. Den e periodo ey mester tene eleccionnan nobo.

Diasabra un referendum nacional tocante un constitucion nobo a base di cual Kongo ta hanja un sistema presidencial di gobernacion na lugar di e actual sistema parlamentaria.

## Avion di K.L.M. cu dificultad

PARAMARIBO, 7 juli.- E avion di KLM a baha diasabra anochi na e aeropuerto Zanderij di Surinam, mester a haci esey riba solamente tres motor ya cu esun di cuater pa un motibu desconoci a stop di funciona.

E avion a queda circula hopi ratu riba e aeropuerto sin cu un di e personanan presente na e aeropuerto tabata sa quico a sosode.

Despues cu tur medidanan di precaucion tabata cla, e avion a baha.

# CU MONOKINI RIBA CAYA NA AUSTRALIA

Sidney, Australia --(UPI)-- Politislan a anuncia cu e señoritannan qu presentá na playa of luganan publico cu un "Monokini" bisti, ta worde pidi pa tap e parti ariba di nan curpa.... sino nan ta worde arrestá.

Sandra Nelson a hasi su prome experiencia, pero en bes di bai playa ela bai den caya cu un bisti cu ni siquiera a ser creá ainda.


Sandra a sali for di un hotel, bisti na un zakmodel color roos. Pero di pronto ela kitá e bisti y a causá sensacion. Eta un muher inteligente por cierto comoquiera qu ora ela ser arrestá

ei a bisa autoridadnan qu ela djies useie, pa mira precisamente ta con e publico lo reacciona.

## Vice-premier di B.G. ta keda den prison

GEORGETOWN, 7 juli.- Senjora Patricia Benn lo hiba su luchapa libertacion di su esposo, e premier interino Brindley Benn, quende huntu cu otro lidernan politico ta den arresto, dilanti di conseho di corona Ingles.

Su prome peticion pa libertacion for di e colonia di castigo na Mazaruni - unda e ta serasegun un decision di gobernador Sir Richard Luyt, a worde rechaza pa huez sir Joseph Luckhoo despues di un discusion legal di cuater dia.



TUR COS CU EXCEPCION DI KITOKI - Tur forma di transportacion moderno ta representá den e foto incomun aki, saca na Cleveland, Ohio. Tin treinnan, autonan y busnan, y tambe aeroplanonan na un aeropuerto cantu di awa y un barcu di carga riba Lake Erie. Un siglo pasá tal foto lo tabata un imposibilidad.



# AGENDA

## ARUBAANSE COURANT

diariamente cu excepcion di  
diadomingo  
suscripcion f. 3.25 pa luna  
edicion los 20 ct.  
edita pa:  
N.V. ARUBAANSE DRUKKERIJ  
- en UITGEVERS - en PUBLI-  
CITEITS MIJ.

imprimi na:  
N.V. DRUKKERIJ  
"DE STAD"

Telefoon 1116 Directiva y redac-  
cion, 2116 Anuncio y subscrip-  
cion.

Directeur hoofdredacteur:  
D. Wolff.

POR CUMPRAR ARUBAANSE  
COURANT NA E SIGUENTE  
LUGARNAN:

NA ORANJESTAD:  
BOEKHANDEL MARISKA,  
PIET SODA FOUNTAIN,  
REFRESQUERIA INGRID.

NA SAN NICOLAS  
NICOLAAS STORE,  
UNION STORF.

## BOTICANAN DI WARDA

Oranjestad Botica Del Pueblo  
Tel. 1253-2154.  
San Nicolas Botica San Lucas  
Tel. 5119

## CINE

De Veer: 8.30 p.m. "B lue Jeans"  
18 j  
Rialto: 8.00 p.m. "Romance en  
Puetto Rico" 18 j

Principal: 8.00 p.m. "Piccadilly  
Third Stop" 18 j  
Aurora: 7.30 p.m. "Crime in the  
Streets" 18 j  
Savaneta: 8.00 p.m. "De Onderwe-  
reld van Montmartre" 18 j

## TELEARUBA

17.00 Huckleberry Hound  
17.30 Trama 30  
18.00 El rifle  
18.30 Club musical  
19.00 Las 3 hermanas  
20.00 Fiesta  
21.00 Creole  
21.15 Julian Pacheco  
21.45 Dr. Kildare  
22.45 Johnny Midnight  
23.15 Noticias


## RADIO KELKBOOM

7.00 Opening  
7.02 Bon dia cu Alegria(Instru-  
mental)  
7.30 Noticia Internacional  
8.00 Seleccion Musical cu dis-  
conan Latino Americano.  
8.30 Cumpleanos feliz  
9.00 Noticia Social  
9.15 Peticion Musical pa Telefoon  
10.00 Noticia Internacional  
10.05 Musica Varla  
10.30 Programma di Habibe Jr.  
11.00 Noticia Internacional  
11.05 Musica Norte Americana  
11.15 Musica Antillana  
11.30 Musica Varla  
12.15 Noticia Internacional (Am-  
stel)  
12.30 Musica Norte Americana.  
12.45 Noticia Local (Viana)  
01.00 Variacion di Ritmo Latino  
01.30 Mei ora cu Boleros  
02.00 Novela Repiticion  
02.00 Peticiones  
03.15 Ritmos di Caribe  
03.45 La Macorisana & Inter-  
nacional Supermarket  
04.00 Musica cu sabor Azteca  
04.30 Noticia Local (Heinekens)  
04.45 Cocktail Musical  
05.00 Danzones Cubanos  
05.15 Musica Varla  
06.00 Noticia Deportivo (Gillette)  
06.15 Musica Varla  
06.30 Musica para la cena  
07.00 Noticia Deportivo (Gillette)  
06.15 Musica Varla  
06.30 Musica para la cena  
07.00 Noticia Internacional Na Pap.  
07.15 Musica na Hulandez  
07.45 Musica (Norte Americano  
(Instr.)

08.15 Novela (Colgate)  
08.45 Musica Varla  
09.45 Verzoekplaten Pro-  
gramma  
09.45 Musica Varla  
10.00 Sluiting

## RADIO VICTORIA

6.00 Peticiones  
6.15 E Bijbel Habri  
6.30 Ultimas Noticias  
6.45 Ecos Del Cielo  
7.15 Bo Musica Favorito  
7.45 El Camino De Victoria  
8.00 G ymnasia  
8.15 Joyas Del Hogar  
8.30 Ultimas Noticias  
9.00 Noticias Español  
9.15 La Voz Del Evangelio  
9.30 Morning Melodies  
10.00 World News  
10.10 The Bible For You  
10.15 Through The Bible  
10.45 Thoughts On Home  
11.00 Chapel Of The Air  
11.15 El Pan De Vida  
12.00 Ultimas Noticias  
12.15 Musica Sagrada  
12.24 Thought For The Day



Cuater alumnodi Sycamore HighSchool na Montgomery, hio, conhunta-  
mente a traha un proyecto pa uso durante lesnan den latin na nan school.  
Aunque generalmente estudio di latin ta sosode for di boeki, e hobennan  
a traha un chinch gigante. Ora nan kier a bende, no tabatin comprador  
di manera qu nan a sende na candela.

12.30 World News  
12.45 Quiet Time  
1.00 Radio Concert Hall  
2.00 Reading Room  
2.15 Songs Of Zion  
2.30 Quiet Hour  
2.45 Radio Revival  
3.15 World News Headlines

3.20 Ensuenos Musicales  
3.45 Musica Di Banda  
4.00 La Voz De America  
4.15 Ultimas Noticias  
4.30 Muchanan Pa Cristo

4.45 Noticias Espanol  
5.00 Academia Del Aire  
5.15 Palabranan Di Bida  
5.30 Children's Corner  
6.00 World News  
6.15 Bible Time  
6.45 Listening Post  
7.00 All Aboard For Adventure  
7.15 Off The Record

7.30 Back To The Bible  
8.00 Musical Gems  
8.30 Nederlands Nieuws  
8.45 Christelijke Liederen  
9.00 Klassieke Muziek  
10.00 Sign Off

## RADIO CARACAS TELEVISION

8.45 Senderos de luz

9.00 T.V. Educativa  
10.30 Cosas de mujeres  
11.15 El hogar y la moda  
11.45 Novela  
12.00 Noticias  
12.05 Show de Renny

13.45 Se necesita una amiga  
13.35 Cortos  
14.00 Yo se lo vendo  
14.30 Documental  
15.00 Estudio de Hector Monte-  
verde  
15.30 Perfecta ama de casa  
16.00 Mejias y sus muchachos  
17.00 Huckleberry Hound  
17.30 Trama 30  
18.00 El rifle  
18.30 Club musical  
19.00 Las 3 hermanas  
20.00 Fiesta  
21.00 Creole  
21.15 Julian Pacheco  
21.45 Dr. Kildare  
22.45 Johnny Midnight  
23.15 Noticias

## CUMPLEANJOS

Dia 4 di juli a cumpli 7 anja ca-  
sa Señor Jan y Señora, felicita-  
cion ta bini pa parti di nan 5 ju-  
nan Alfonso, Ludwina, Margarita,  
Monica, mamanan y tur rumannan  
especialmente di Juana y Maria-  
nita Koolman.

Dia 6 juli a cumpli anja Señor  
Jan Faustinus Werleman, felicita-  
cion ta bini di su estimada es-  
posa Tina, juinan Alfonso, Ludwi-  
na, Margarita y Monica, mama  
Catrin, 12 rumannan, suegro y  
suegra y tur su swanan.

Dia 6 di juli a cumpli anja e sim-  
patica Señora Mariana Kool-  
man, felicitacon ta bini di su  
mama Catharina, tata Rey, ru-  
mannan Luisa, Chemi, Janchi, es-  
pecialmente di su enamorado  
Bernaditho Croes y swanan Ma-  
nuelo, Dorothy y Topa.

Awe dia 7 di juli ta cumpli 2  
anja jovencita Mina Tromp, fel-  
licitacion ta bini di su tata Anice-  
to, mama Filomena, ruman Ray-  
mond, welo y welanan, omo y  
tantanan, padrino Tommy Figa-  
roa, madrina Nia Figaroa y de-  
mas familia Henriquez y Tromp.

## MONOKINI NA VENEZUELA

Maracaibo, -- UPI - Polisan  
di e distrito Mara, na Venezuela,  
a manda aviso pa playanan, ad-  
virtiendole qu nan ta "prohibi usa-  
mentu di monokini ne playanan  
aki."

## "DESTINO FAVORABLE" NOVELA

No. 10.

E ta  
busca palabra pa bisa, pero e  
hombre a tumar e mucha calmo for  
di dje, mientras el a bisa: "E joro-  
na chiki aki, lo stop di jora, si su  
barica ta jen. Gisel, bay drecha  
mesa, tin cumindapa come." "A-  
bo acushina" Gisel a puntra des-  
confia. "No spanta, nota ami a cu-  
shina. Ta e tanta aki, a haci un bon  
trabao", el a tranquiliza Gisel. "A-  
ha, casi sigur nada no akima. Of  
toch" Parce cu ainda Gisel nota  
convenci, cu e ta haya algo bon  
traha, na mesa, y ta Jettata sinti  
su mes un poco desepcion. "No,  
Gisel, nada no a kima?" el a con-  
testa. Poco poco Peter tambe a je-  
ga cerca, pero toch el a kedana un  
bon destiancia di su tata. Derix a  
hera hari y a jamle cerca. Poco  
poco Peter a cana jega ser-  
ca, y tabata tin un trek terco  
riba su cara. "Tende, mucha. Pro-  
pamente mi mester a dunabo un  
bon sota, pero e a bialha aki, mi lo  
pordonabo. Esey ta pabo motibo.

cu bo a trece Srta. Roder cerca  
nos. Pero no pensa pa haci se-  
meiante mal crianza atrobe, pa-  
sobra bo sa, cu mi tin un man  
duro, y otro blaha si, no tin  
pordon." Peter su wowonan ta  
lombra, y bo por mira con al-  
via el a keda. "Lo mi no hacie  
hamas, papa. Mi ta dunabo mi  
palabra", el a sigure. E hombre  
a caricia Peter su cabeynan y a  
aparece un sonrisa tierno riba  
su cara. "Abo tin palabra, mi  
jiu. Mi sa cu bo lo cumpli cu  
ne." Jettata sinti con un sen-  
timiento extraño a podera di dje,  
y su corazon a cuminda bati  
mas duro. Pakiko mi ta sinti  
asina extraño ora cu e mirami,  
e ta puntra su mes. Pakiko mi  
corazon ta bira intrankil, ora  
cu e papia cu mi, of caricia  
su jiu. "Tur e muchanan ta  
sinta bon mucha na mesa, y ta  
come cu smaak. Hasta Peter  
ta come na grandi. Hariendo  
Jetta mester pensa riba e pa-  
labranan di Derix: Di berdad

cu e muchanan aki, sa come ho-  
pl. Despues di e cuminda, Jettata  
pone Annerle den su cama.  
E mucha a pone su cabes den e  
cushinchi y a hinca su dede den  
su boca. Jettata keda mire bas-  
ta largo, y irresistible su wowo-  
nan a jena cu awa. Jettata, kende  
no por a jora varios anja caba,  
pasobra tur cos a kima den su  
curason, a hanja ayudo cerca  
e mucha extraño aki drumi den  
su cama. "Dios, proteha mi jiu  
pa mi. Yudami, sea plesoso, y  
pordonami, mi culpa", el a bi-  
sa jorando. Derix kende na e  
momento ey kler a cana drenta,  
a bolbe sera e porta keto bek.  
No, e no kler a stroba awor.  
Kizas si e jora, e por alivia su  
sufrimiento un poco. Pero cada  
rato, e mester puntra su mes,  
ta ki sorto di culpa e mucha  
muhe, cu ta trata su jiu. "Na asi-  
na bon y carinioso, por tin. Ri-  
ba e siguiente dianan, Jettata ke-  
da percura pa e muchanan. Pro-  
me Derix no kler a acepta,  
pero ora cu Jettata keda mire  
rogativo y a puntra pa e confia  
e muchanan cerca dje, e ora ey  
e no por a nenga mas, y den su  
mes e tabata contento.  
Den su casita tabata reina or-  
den y disciplina atrobe. Tur e  
muchanan ta limpi bisti y pen-  
ja. Tur ta sinti nan contento, y  
e por tende nan harimento, te  
den su kamber di estudio, ca-  
minda e ta sinti traha, pero e

no por bay dilanti, pasobra e  
falta sosiego interior. Dos dia  
prome cu Jettata bay, nan dos ta  
sinta dilanti otro den e sala.  
"Jetta, mi no sa, si ya mi tin  
e derecho, pa papia cu bo, di  
mi deseonan, pero ya nos no ta  
mucha mas. Nos sa, cu un sen-  
timiento no tin mester di hopi  
tempo, pa crece, pero na pro-  
me bista bo por sinti, si bo  
ta pas junto, si of no." El a  
lanta para y a cana bay cerca  
Jetta, kende tin su dos man-  
nan preta den otro riba su scoo-  
chi, y e no por a waak e hom-  
ber den su cara. Derix a buk  
decidido, y confiable el a po-  
ne su man riba e dedenan tem-  
bloroso di Jettata, y a primi nan  
suave. "Jetta, bo kler casa cu  
mi" "Mi no por, pordonami,  
mi no por", el a bisa tristo  
y a baha su cabes. Derix a lan-  
ta su cara y su wowonan a  
obligule pa mire. Su cara taba  
ta palido, su lipnan ta tembla  
nervioso. "Pakiko bo no por  
Jetta", el a puntra tristo. "Bi-  
sami honradamente, bo no por  
stimami" "Mi Dios, pakiko bo  
ta castigami asina", el a ex-  
clama di repente. "Bono a sin-  
ti cu mi ta stimabo" Jettata  
lanta para y a hala atras. Su  
wowonan ta brilla cu miedo. "Pe-  
ro mi no por casa cu bo, -  
Wolfgang, mi no por".  
El a laga su cabes sosega ri-  
ba Derix su schouder, y su cur-

pa ta sacudi di joramento. Cal-  
mo Derix a tene den su braza-  
nan. "Pakiko bo no por casa cu  
mi Jettata" Mi a puntrabo si bo  
por stimami. Bo a admitti cu bo  
ta stimami, y sin embargo toch  
bo ta bisa, cu bo no por casa  
cu mi. Atrobe Derix ta obligle  
pa mire den su cara, y Derix  
su cara ta serio, ora e puntra:  
"Bo no ta liber, bo a duna un  
otro hombre bo palabra" Jet-  
ta su wowonan ta bira grandi,  
Derix a mira e miedo den su  
wowonan, y su cara a bolbe  
suave y tierno. "Jetta, pakiko  
bo ta castiga nos tur dos? Nos  
ta stima otro, y nos sa, cu sem-  
per nos ta pertenece na otro."  
"Si, Wolfgang, mi ta stimabo,  
y mi no ta pertenece na otro  
hombre." Poco, poco pero deci-  
dido el a los su culpa di su  
brazanan. "Pero mi no por casa  
cu bo. Tin algo otro. Mi no por  
papia di esey, ainda no. Ta un  
culpa, cu mi a pone riba mi, y  
semper e lo keda entre nos  
dos" "Si bo a jega di duna  
bo mes culpa pa algo, Jettata,  
esey a sosede hopi prome cu nos  
a conoce otro, y e culpa aki,  
no tin nada di haci cu nos bi-  
da actual. Mi sa, cu tin algo  
ta preocupabo, y cu te ainda  
no por lagabo trankil. Mi no  
kler puntrabo nada tocante esa-  
ki, lo mi keda spera te dia cu  
bo mes bin bisami.

E ta sigui.....



**RIP KIRBY**

Agente exclusivo di

**FRIESCHE VLAG**

pa cortesia di:

lechi evaporado y lechi en polvo

**JAN BODEGOM & CO (ARUBA) N.V.****MAXWELL HOUSE KOFFIE.****CISCO KID**

pa cortesia di:

**ARUBA BOTTLING COMPANY**

NESBITTS den varios sabor, e refresconan mas pidi y mas gusta na Aruba.

**BUCHI ROBEZ**

Pa cortesia di:

**PIET'S SODA FOUNTAIN**

Tel. 2123

E mihor adres pa snacks, tur clase di dushi, softdrinks, ice-cream y revistas.

**PEPITA**

with compliments of

**OFICINA MARITIMA DE ARUBA**

DOCUMENTATION &amp; TRANSPORTATION

FOR INCOMING, LOCAL &amp; OUTGOING CARGOES BY AIR, SEA AND LAND

**DICK TRACY**

presenta pa cortesia di

**VICTORIA BOTLING COMPANY**

PEPSI-COLA --- SEVEN UP ---- GRAPETTE - KIST -- VICTORIA SODA WATER ---

BUFFALO ROCK --- GINGER ALE ---

**Horoscopo personal**

**ARIES**-21 di maart-20 di april- Trata di no preocupa bo pa e cosnan di otro persona. Pero si nan consultabo duna bon consehonan.

**TAURO**-21 di april-21 di mei- Pordona no ta necesariamente iubida. Trata di comprende e accionnan di otro persona.

**GEMINIS**-22 di mei-21 di juni- Un conversacion importante cu un bon amigu por produci resultadonan cu bo no a spera.

**CANCER**-22 di juni-23 di juli- Quizas bo mester tuma un decision drastica den un asunto cu ta requeri un atencion rapido.

**LEO**-24 di juli-23 di augustus- No keda sin aprobecha e placa cu nan debe'bo na e prome oportunidad cu worde presenta.

**VIRGO**-24 di augustus-23 di september- Riba e dia aki bo por obtene tur e cosnan cu bo tabata desea sin embargo bo mester bai cu masha cuidao.

**LIBRA**-24 di september-23 october- Desplegua tur bo encanto y don di hendenan ora bo reuni cu otro personanan pa hasi e dia aki un dia di actividadnan social.

**ESCORPION**-24 di october-22 di november- Bientunan favorable ta suplando den direccion di Escorpion, y pa e rason aki e mester aprobechanan.

**SAGITARIO**-23 di december-22 di december- Busca e rason di e dificultadnan cu bo tin na trabao. Trata di coopera cu bo companeronan.

**CAPRICORNIO**-23 di december-20 di januari- Duna bo apoyo moral na otro persona cu por ta worde atravesado pa situacionnan masha dificil. Duna ehemplo di bo experiencia nan pasá.

**ACUARIO**- 21 di januari-19 di februari- No trata di tuma ningun decision repentina. Cu sumo tacto lo bo excusa bo mes di cualquier invitacion te ora cu realmente bo sa kiko bo ta desea.

**PISCIS**-20 di februari - 20 di maart- Un cos ta emula belleza y regeneracion di naturalesa y e otro ta copia su desorden.

**DEMOSTRACION ANTIBRITANICA NA NEW YORK**

New York - UPI - Ayera tardi tabatin un demostracion antibritanica na New York y qu a ser liba a cabo pa un grupo di cien miembro di e "Frente Obrero Revolucionario Democratico de Cuba", quendenan a desfilá for di Calle 49 y Septima Avenida te na Calle 51 y tercera Avenida, caminda e edificio di consulado di Gran Bretaña ta keda. E manifestantenan, tur cubano qu ta exilia na Merca tabata protesta pa e venta di busnan cu Cuba, y tabata carga dos popchi grandi cu bordenan cu texto. E promer popchi tabata representa Fidel Castro y e borchel correspondiente tabata bisa: "Gracias Inglaterra pa bo ayudo na comunismo". E otro popchi tabata unu sin cabes y su texto correspondiente, scribi na ingles tabata bisa: "Ami tabata democracia, pero Inglaterra a corta mi cabes". E cubanonan qu a provoca un reaccion di simpatia entre e publico qu tabata cana riba caya, ademas a reparti 3000 pamflet scribi na ingles y den cual nan tabata acusa Inglaterra di "duna e titere di America, Fidel Castro, estupidamente tur ayudo militar y economico qu e pidi".